

MILOŠEVIĆ I SREBRENICA: UNIVERZALNA IZDAJA

BOSNA

Cijenjena Simon svijeta! Hypo Maestro kartica.



www.hypo-alpe-adria.ba

NEZAVISNA INFORMATIVNA REVIJA www.slobodna-bosna.ba GODINA XIII | BROJ 566 | SARAJEVO 20.9.2007. | CIJENA 3 KM

Dodikovo cementiranje Banje Luke



Kremlj u Banjoj Luci

Kako je zgrada Vlade RS postala skuplja za 200 miliona maraka

NJEMAČKI DOKTOR ZA BALKANSKE VLADARE

**ALIJA
JE BIO
DRUGAČIJI**



ODLAZAK LJILJANE MOLNAR-TALAJIĆ

**SARAJEVO,
IPAK, NEMA
SRCA**

PrvoKlasno!

PRINTED IN BOSNIA-HERZEGOVINA
ISSN 0354-1436




99770354143003 0 0 5 6 6

MILOŠEVIĆ I TUĐMAN SU PSIHOPATE, ALIJA JE KOMPLEKSNIJI SLUČAJ



Ovih dana je u Njemačkoj objavljena knjiga "Psihopatologija moći - psihološki portret aktera rata" uglednog psihologa bosanskih korijena dr. SEADA HUSIĆA koji se na nesevakidašnji, uglavnom psihoanalitički način bavio ključnim akterima bosankohercegovačke tragedije; Profesor Husić ekskluzivno za "SB" objašnjava osnovne postavke svog istraživanja



Piše
Nedim Hasić

nedim@slobodna-bosna.ba

Od raspada nekadašnje Jugoslavije, početkom '90-ih godina prošlog stoljeća, objavljeno je na desetke knjiga i naučnih radova koji su se bavili uzrocima i razlozima disolucije nekada moćne balkanske države. Ovisno o etničkom porijeklu ili političkom stajalištu autora, iznošene su raznovrsne teze raspada socijalističke države i nastanka novih, nezavisnih republika. No, ono što je prije dvadesetak dana po prvi put objavljeno u Njemačkoj jeste knjiga o psihološkoj strukturi ličnosti trojice glavnih aktera raspada nekadašnje jugoslovenske zajednice, Slobodana Miloševića, Franje Tuđmana i Alije Izetbegovića. Sva trojica bili su izdanci sistema protiv kojeg su kasnije ustali, djeca države srušene u krvavom, pet godina dugom ratu.

BOSANSKI NIJEMAC

Sead Husić, 33-godišnji doktor iz Berlina, porijeklom iz BiH, objavio je knjigu pod naslovom *Psihopatologija moći - psihološki portret aktera rata*, koja se prije nekoliko dana našla u prodaji u njemačkim knjižarama. Husićeva knjiga pokušaj je rasvjetljavanja psiholoških karaktera Miloševića, Tuđmana i Izetbegovića, kako bi se pomoću takvog psihološkog profila rasvi-

BOLEST POLITICARA:
Sead Husić upustio se u izuzetno zahtjevu naučnu avanturu - psihološko portretiranje balkanskih lidera

Psihološka dijagnoza Miloševića, Tuđmana i Izetbegovića

Tuđman i Milošević imali su užasno naslijeđe iz porodice - Izetbegović je u tom pogledu bio mnogo normalniji!

jetlili uzroci disolucije i zločina počinjenih tokom ratova na Balkanu. Zavjera protiv Srbije, srpski ekstremizam, ekonomski problemi... u javnosti još uvijek postoje različite verzije razloga za raspad bivše Jugoslavije, koje se uglavnom zasnivaju na tome da se krivica prebacila na leđa drugih. No, Husić u svojoj knjizi pitanju raspada pokušava prići sa druge, do sada nepoznate strane, opisujući i analizirajući životni put glavnih aktera ratova na Balkanu i u takvom njihovom ponašanju pokušava pronaći ključ početka raspada Jugoslavije. "Ako se pogleda što je te individue psihološki opterećivalo i šta je opterećivalo skupine iz kojih su oni došli, onda se lako prepoznaju prave uzroke strahota koje su se dogodile u bivšoj Jugoslaviji", tvrdi Sead Husić. Iako rođen daleko od Jugoslavije, u bavarskom gradu Traunsteinu, od samog se početka ratova u bivšoj zajedničkoj državi bavio uzrocima njezina ras-

pada, pokušavajući saznati razloge. "Svoj studij političkih nauka u Njemačkoj počeo sam temom raspada Jugoslavije, da bih prije nekoliko mjeseci i doktorirao na tu temu", kaže nam Husić. Kaže kako mu pojašnjenja o ekonomskim uzrocima raspada ili historijskim razlozima nisu bila dovoljna, niti uvjerljiva. "Na studiju u Berlinu sreo sam profesora Manfreda Kernerera, uglednog stručnjaka koji se bavio psihopatologijom najvažnijih aktera



KOMPLEKS OCA: Franjo Tuđman nikad nije raščistio sa obiteljskim naslijeđem

Tuđman je duboko vjerovao kako je on otjerao svog oca u smrt i sve što je poslije radio bilo je samo kako bi se smirio

ALIJA IZETBEGOVIĆ

Alija je imao nekoliko oprečnih faza

Posebna dio u svojoj knjizi *Psihopatologija moći* Sead Husić posvetio je Aliji Izetbegoviću, prvom predsjedniku Predsjedništva RBiH. Svjestan toga da bi ga mogli optužiti za jednostranost, s obzirom na njegovo bh. porijeklo, Husić kaže kako je jasno kako Izetbegović nije bio Mahatma Ghandi, no da je između njegovog i ponašanja Slobodana Miloševića i Franje Tuđmana itekako bilo razlika. "Ono što Izetbegovića razlikuje od Tuđmana i Miloševića jeste da s početkom rata, prošetovao masakrima i brutalnošću, on nije vodio politiku etničkog čišćenja kako bi stvorio etnički čist prostor samo za Bošnjake, kako bi uklonio ostale nacionalnosti i pripadnike druge vjere." Poredeći Izetbegovića sa Abrahamom Lincolnom, Husić kaže kako je najvažnija stvar koja je iza Izetbegovića ostala država Bosna i Hercegovina. "Ključno je za šta se on u opsjednutom gradu borio, šta je politički pokušavao da postigne. Međutim, iz njegovih govora i javnih nastupa može se vidjeti velika razlika između Izetbegovića prije 1992. godine i kasnije." Husić tvrdi kako se Izetbegovićovo ponašanje jasno može podijeliti u nekoliko faza, no najvažnija je razlika ona prije 1992. godine i poslije nje. "Kada je počeo rat,

Izetbegović je ozbiljno bio uvjeren kako će mu svijet pomoći da očuva Bosnu. Ali, kada je bilo jasno da pomoć neće dočekati, kod njega se nešto mijenja i to se najbolje vidi iz ponašanja pred oficirima i vojnicima Armije BiH. Pisao sam i pratio o negativnim stranama njegove vladavine, kakve su, recimo, operacije grupe Ševe i ostalim kontroverzama, no mislim da je najvažnije da je on iz sebe uspio ostaviti državu, ma kakva bila. Pokušao sam da budem kritičan koliko to mogu. Međutim, nisam htio da sebi namaknem okove i da prestanem da pišem ono što sam morao napisati, bez obzira što postoji opasnost da mi sa srbijske ili hrvatske strane prebace da sam jednostran."



NAJMANJE DVIJE FAZE: Alija Izetbegović

stvaranja Trećeg rajha, kao i profesora Funkea, koji je objavio neke izvanredne radove o ratu u BiH i njih su me dvojica navela na taj put, da pokušam kroz biografije i životne okolnosti razumjeti šta se u Jugoslaviji dešavalo." Husić je u Njemačkoj diplomirao na temu povratka izbjeglica u Distrikt Breko, a na svom je doktoratu počeo raditi odmah nakon diplomiranja. Psihopatološko ponašanje dokazuje prvo kod Miloševića čija su oba roditelja izvršila samoubistvo. Kod Miloševića se to manifestiralo pojavom psihoze, narcizma propraćenog agresivnom željom za ubijanjem i razaranjem. Milošević je, smatra Husić, bio prvi lider koji je bio nacionalista.

TUĐMAN JE OGROMNA INSPIRACIJA

Nekoliko godina je trajao taj uspon nacionalizma u Srbiji i to je dovelo do reakcije u Hrvatskoj. "Tuđman nikada ne bi postao predsjednik da nije bilo Miloševića", smatra Husić. "Kada se spozna šta je Miloševića i Tuđmana psihološki opterećivalo, onda se mogu pronaći i istinski uzroci za tolike zločine koji su počinjeni." Životna priča Slobodana Miloševića Husiću je oduvijek bila zanimljiva. Dijagnostičirajući psihopatološko ponašanje, Husić kaže kako je Milošević bio traumatiziran usljed samoubistva oca, a deset godina kasnije i majke. Tragajući za uzrocima njegovog ponašanja, pokušao je utvrditi i istražiti psihopatologiju naroda iz kojeg je Milošević potekao, njihovu opsjednutost

historijskim mitovima te milje iz kojeg je isplivao kao srbijanski vođa. "Mislim da je za njegov psihološki profil najvažnije odakle potiče i zašto su ljudi baš njega podržavali, a ne nekog drugog, umjerenijeg političara. Stoga se, u ovom slučaju, može govoriti o psihopatologiji većine u Srbiji", tvrdi Husić. "Međutim, radeći na njegovom profilu shvatio sam kako u svemu tome postoji nešto skriveno, nešto misteriozno a što bi trebalo dati odgovore na pitanja o uzrocima i načinu njegove vladavine." Ne želeći, ipak, cjelokupnu odgovornost za ratove prebaciti isključivo na pleća Miloševića i Tuđmana, dodaje kako je njegova knjiga "jedan od načina da se objasni ono što se zbivalo, da se objasni zašto su činili to što su činili. Oni nose dio odgovornosti. Zbog toga dio odgovornosti za zločine nose i ljudi koji su ih slijedili na njihovom putu."



KOMUNISTIČKI NACIONALISTA: Porodična tragedija opredijelila je političku aktivnost Slobodana Miloševića

Sead Husić rođen je 1974. godine u Njemačkoj, u porodici imigranata iz BiH. Studirao je političke nauke na univerzitetima u Duisburgu i Berlinu. Tokom i nakon studija radio je kao novinar za nekoliko uglednih novinskih kuća u Njemačkoj, između ostalih, za njemačko izdanje *Financial Timesa*, kao i za *Tageszeitung*, te sedmični list *Freitag*. Doktorirao je na Univerzitetu u Berlinu, a od jeseni prošle godine radi kao menadžer u berlinskoj agenciji *Flaskamp*.

KO JE SEAD HUSIĆ

Respektabilan naučnik bosanskih korijena



BOSANAC SA NJEMAČKIM NAUČNIM PEDIGREOM: Sead Husić

vanje hrvatski predsjednik Tuđman bio mnogo zanimljiviji. "I danas se malo zna o tome kako je tjelna bila njegova veza sa ocem. Kasnije, kada sam vidio Tuđmanovu biografiju u interpretaciji hrvatskog publiciste Darka Hudelista, shvatio sam kako smo došli od istih spoznaja." Obrazac ponašanja Miloševićevog suparnika iz Hrvatske za Husića je isti. I Tuđmanovi su roditelji stradali, o čemu se i danas vode polemike. Tuđmanu bliski tvrde kao žrtve komunističkog režima, dok ostali kažu kako je posrijedi bilo "obično" samoubistvo. Tuđmana je čitav život pratio osjećaj krivice, te se stoga razvio, tvrdi Husić, u paranoidnog autokratu. "Odlazak Franje Tuđmana na studij u Beograd bio je, iz perspektive njegovog oca, nezamisliva izjava i može se reći da je to jedan od razloga zašto je njegov otac ubio prvo Franjinu mačuhu pa onda sebe. Naime, istražujući Tuđmanovu biografiju, jasno se vidi kako je on čitav život proživio pod teškim teretom griže savjesti. On je svog oca, kao mladić, natjerao da ode u partizane, a onda je godine neposredno nakon Drugog svjetskog rata proveo u svadi sa njim, jer je otac bio razočaran onim što je Hrvatska postala u Jugoslaviji. Želio je suverenu zemlju, a dobio samo jednu od šest jugoslavenskih republika", kaže Husić. Dodaje kako je pročitao sve radove koje je Tuđman pisao kao historičar, te se uspio dokopati svih detalja iz njegove biografije. Kaže kako se može vidjeti jasna razlika u stavovima koje je iznosio u vrijeme dok je bio general JNA

i kasnije, kada je počeo razmišljati o stvaranju hrvatske države. "Ništa u onome što je pisao u vezi sa NOB-om i jugoslovenskom historijom nije kontroverzno", kaže Husić. "No, kasnije počinje pisati o tome kako su njegovog oca ubili komunisti. Mislim da je to obična glupost, njegovo opravdanje za kasnije postupke." Dokazujući svoju tezu o grižnji savjesti zbog sukoba sa ocem, Husić kao jedan od dokumenata koji takvo stajalište potkrepljuju, navodi i Tuđmanov govor koji se može naći na internetskoj stranici HDZ-a, u kojem između ostalog, pojednostavljeno, stoji: "Nikada neću izdati tvoje ideale, kunem ti se da ću ostvariti sve ono o čemu si sanjao, makar mi zahvalili kao i tebi", pisao je Franjo Tuđman svom ocu, zagriženom HSS-ovcu. "Sve što je kasnije radio bilo je pokušaj ispravljanja razloga sukoba s ocem", tvrdi Husić, zaključujući: "Ta vrsta veze između Tuđmana i njegovog oca dosada nije bila rasvijetljena i mislim da nikada i neće biti rasvijetljena do kraja. Mislim da je njegov otac, odnosno njegova sudbina, uzrok Tuđmanove rezolutnosti kada su u pitanju Srbi. Franjo Tuđman je želio nezavisnu Hrvatsku zbog svog oca, koji je uvijek smatrao kako su Hrvati trebali nakon Drugog svjetskog rata dobiti nezavisnost ili makar veći suverenitet u okviru Jugoslavije. Tuđman je duboko vjerovao kako je on otjerao svog oca u smrt i sve što je poslije radio bilo je samo kako bi se smirio, kako bi sa sebe skinuo teret griže savjesti." ♦